

БОЛАЛАРГА БАЙРАМ ТУХФАСИ

“Хуррамобод” МФЙ Риштон туманининг олис ҳудудларидан бири. Бу ерда ўзбек, тожик, қирғиз миллати вакиллари аҳил-иноқликда, тотувликда яшаб келмоқда. Айниқса, бу ерда таълим олаётган ўқувчиларга яратилган шарт-шароитлардан кўнгил тўлмасдан қолмайди. Таълим ва фан ходимлари касаба уюшмаси Фарғона вилояти кенгаши томонидан мустақиллигимизнинг 30 йиллиги муносабати билан хуррамободлик 30 нафар мактаб ўқувчиларига 17 турдаги янги ўқув қуроллари жамланмаси, ўқув сумкалари тантанали топширилди. Тадбирда сўзга чиқсан Таълим ва фан ходимлари касаба уюшмаси Риштон тумани кенгаши раиси Эркинжон Абдуллаев келажагимиз эртаси бўлган ёшларни ва уларнинг ота-оналарини яқинлашиб келаётган мустақиллик байрами билан табриклаб, баркамол авлод тақдири йўлида амалга оширилаётган эзгу ислоҳотларга тўхталиб ўтди. — Касаба уюшмаларининг бу совғаси мени чексиз қувонтириди, — дейди Назокат Жумаева. — Фарзандим кўрсатилган эътиборни мактабда аъло ўқиши билан оқлади. Жавоҳир Остонақулов янги ўқув йилидан 4-синфга боради. Касаба уюшмалари томонидан тухфа қилинган мактаб ўқув қуроллари уни ҳам севинтириб юборди. — Совға менга жуда ёқди, — дейди Ж.Остонақулов. — Мактаб ўқув қуролларимни эҳтиёт қилиб, фақат беш баҳога ўқийман. Шунингдек, тадбирда келажак авлодни комил инсон этиб тарбиялашдаги самарали меҳнатлари учун таълим жонкуярларига касаба уюшмаларининг эсдалик совғалари ва фахрий ёрлиқлар топширилди. Тантанали тадбирда янгираган кўй-кўшиқлар, мактаб ўқувчилари томонидан ватанин мадҳ этувчи шеърлар барчага манзур бўлди.

Жамшид Эргашев “Ишонч” газетаси мухбири

2021-08-21 06:09:17